

Broj: 01-16-12-2027- 13 /22Banja Luka. 15.12. .2022. godine

02/1-9

16.12.22

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 04/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj 89/05) i člana 70. stav (3) Zakona o javnim nabavkama („Službeni glasnik BiH“, broj: 39/14), Direktor Uprave za indirektno oporezivanje, d o n o s i

ODLUKU

o izboru najpovoljnijeg ponuđača u otvorenom postupku za nabavku, isporuku i montažu sistema arhivskih regala za objekat arhiva UIO u Mostaru

I

Najpovoljnijom ponudom u otvorenom postupku za nabavku, isporuku i montažu sistema arhivskih regala za objekat arhiva UIO u Mostaru, ocjenjuje se ponuda ponuđača „ADUT PLUS“ doo, Banja Luka, Bulevar Vojvode S. Stepanovića 270, sa cijenom ponude u iznosu od 854.472,50 KM bez PDV i navedenom ponuđaču dodjeljuje se ugovor.

II

Izabrani ponuđač je u obavezi dostaviti dokaze iz tačke 7.1.3. i 7.3.2. tenderdske dokumentacije, kojima se potvrđuje vjerodostojnost izjave o ispunjavanju uslova iz člana 45. i 47. Zakona o javnim nabavkama, na način i u roku propisan tenderdskom dokumentacijom.

III

Po okončanju roka za žalbu ugovorni organ će sa izabranim ponuđačem zaključiti ugovor kojim će se regulisati međusobna prava i obaveze.

Obrazloženje

Odlukom direktora broj: 01-16-12-2027/22 od 12.09.2022. godine, odobreno je provođenje u otvorenog postupka za nabavku, isporuku i montažu sistema arhivskih regala za objekat arhiva UIO u Mostaru.

Procijenjena vrijednost ugovora iznosi 854.700,85 KM bez PDV-a.

Sredstva za javnu nabavku su osigurana u Budžetu/Finansijskom planu ugovornog organa na poziciji 821311.

Slijedom navedene Odluke, dana 13.10.2022. godine, izvršeno je objavljivanje Obavještenja o nabavci broj: 743-1-1-91-3-79/22, na Portalu javnih nabavki. Zajedno sa objavljivanjem Obavještenja o nabavci na Portalu javnih nabavki izvršeno je i objavljivanje tenderske dokumentacije, broj: 01-16-12-2027-1/22, kao i izmjena tenderske dokumentacije broj: 01-16-12-2027-3/22 od 15.11.2022. godine.

Dana 01.12.2022. godine u 12.15 h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda, te u Zapisniku sa otvaranja ponuda broj: 02-16-12-2027-9/22 od 01.12.2022. godine, konstatovala da je blagovremeno dostavljena jedna ponuda i to ponuda ponuđača „ADUT PLUS“ doo, Banja Luka, Bulevar Vojvode S. Stepanovića 270, sa cijenom ponude od 854.472,50 KM bez PDV odnosno 999.732,825 KM sa PDV.

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti, shodno tenderskoj dokumentaciji, te je nakon izvršenog uvida u ponudu utvrdila da je ponuđač „ADUT PLUS” doo, Banja Luka, dostavio sve tražene dokaze iz TD.

Budući da je u pogledu ispunjenja tehničke specifikacije, tražen certifikat BAS EN 1993 i UNI EN 10204 ili ekvivalenti, a da je uvidom u ponudu utvrđeno da je ponuđač dostavio potvrdu o usaglašenosti fabričke kontrole proizvodnje za EN 1090-1 i certifikat ISO 9001:2015, to je komisija od ponuđača zatražila da pojasni dostavljene dokaze, shodno članu 68. stav (3) po kojem se može pozvati ponuđača da u roku od tri dana pojasni dokumente. Pomenuti ponuđač je postupio po upitu ugovornog organa te dostavio svoje pojašnjenje, zavedeno pod brojem: 02-16-12-2027-10/22, kojim se između ostalog navodi: *”Shodno Vašem zahtjevu za pojašnjenje dostavljenih dokumenata "ekvivalent" od strane preduzeće ADUT plus doo Banja Luka u predmetu „Nabavku isporuku i montažu sistema arhivskih regala za objekat arhiva Uio u Mostaru” u daljem tekstu Vam obrazlažemo iste, naime tenderskom dokumentacijom je traženo "norme prema kojima su izrađene komponente" MINIMALNO BAS EN 1993 BAS EN UNI EN 1993-1-1: 2005 ili ekvivalent (isti je normativ za projektovanje čeličnih konstrukcija), mi smo na osnovu činjenice da je projekat već izrađen za koji ste nam obezbjedili uvid dana 28.11.2022. u vašim prostorijama priložili dokument "EN 1090-1:2009+A1:2011(ekvivalent) koji dokazuje da je preduzeće akreditovano za "proizvodnju čeličnih građevinskih dijelova, dijelova sklopova i konstrukcija" što dokazuje da je fabrička kontrola proizvodnje u skladu sa svim nadležnim zahtjevima. UNI- EN 10204 ili ekvivalent (isti je Hrvatski normativni dokument za metalne proizvode), mi smo dostavili ISO 9001:2015(ekvivalent) koji dokazuje da je preduzeće sertifikovano iz područja "Metaloprerađiva-proizvodnja metalnih proizvoda i dijelova". Iz svega gore navedenog možemo zaključiti da dostavljeni "ekvivalenti" ne sumljivo dokazuju sve ono šta je traženo u TD, a što je potrebno za realizaciju posla na koji je konkurisao ADUT plus d.o.o. Banja Luka.”*

Shodno pojašnjenju ponuđača, te činjenici da su ponuđači u skladu sa tehničkom specifikacijom mogli dostaviti i ekvivalent traženih dokaza, komisija konstatuje da je u pogledu ispunjenja tehničke specifikacije, nedvojbeno da je ponuđač dostavio zahtijevano tj. odgovarajuće ekvivalent certifikate, te je ponuda ponuđača prihvatljiva.

Shodno tački 3. tenderske dokumentacije predviđen je postupak e-aukcije, u skladu sa Pravilnikom o uslovima i načinu korištenja e-Aukcije.

Kako je u predmetnom postupku zaprimljena jedna prihvatljiva ponuda, e-aukcija se ne zakazuje, nego se postupak okončava u skladu sa članom 69. Zakona JN.

Shodno tački 9.1.1. tenderske dokumentacije propisano da je kriterij za dodjelu ugovora najniža cijena tehnički zadovoljavajuće ponude.

Obzirom da ponuda ponuđača „ADUT PLUS” doo, Banja Luka, Bulevar Vojvode S. Stepanovića 270, odgovara traženim zahtjevima ugovornog organa, komisija je dala preporuku direktoru ugovornog organa da se za nabavku, isporuku i montažu sistema arhivskih regala za objekat arhiva UIO u Mostaru, izvrši dodjela ugovora navedenom ponuđaču, koji je ponudio cijenu ponude u iznosu od 854.472,50 KM bez PDV i 999.732,825 KM sa PDV.

Izabrani ponuđač je u obavezi dostaviti dokaze iz tačke 7.1.3. i 7.3.2. TD, kojima se potvrđuje vjerodostojnost izjave o ispunjavanju uslova iz člana 45. i 47. Zakona o javnim nabavkama, na način i u roku propisan TD.

Prihvatajući prijedlog Komisije odlučeno je kao u dispozitivu ove odluke.


Pouka o pravnom lijeku:

Ponuđač koji smatra da je ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.

Žalba se podnosi URŽ putem Uprave za indirektno oporezivanje, Ulica Bana Lazarevića bb Banja Luka, u pisanoj formi u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalidbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama ("Sl. Glasnik BiH", broj:86/2014).



DIREKTOR

Dr. Miro Džakula

Dostaviti:

1. 02/1 (2x)
2. 01
3. Arhiva